



Broj: 05/1-27- 029821/19
Tuzla, 30.09.2019. godine

Na osnovu člana 25. Zakona o cestovnom prijevozu Federacije Bosne i Hercegovine („Službene novine FBiH“, br. 28/06, 2/10) i člana 200. Zakona o upravnom postupku („Službene novine FBiH“, br. 2/98 i 48/99), Ministar trgovine, turizma i saobraćaja donosi

R J E Š E N J E

o produženju važnosti registrovanih redova vožnje na kantonalnim autobusnim linijama

1. Redovima vožnje na kantonalnim autobusnim linijama koji su registrovani u Ministarstvu trgovine, turizma i saobraćaja TK, a čija važnost je istekla 30.09.2019. godine, **produžava se rok važnosti do 31.03.2020. godine.**

2. Iz rješenja se izuzimaju redovi vožnje koji su pravosnažnim rješenjem Ministarstva trgovine, turizma i saobraćaja brisani iz registra kantonalnih autobuskih linija.

3. Rješenje stupa na snagu danom donošenja, a biće objavljeno i na službenoj web stranici Ministarstva.

O b r a z l o ž e n j e

Na osnovu člana 24. Zakona o cestovnom prijevozu FBiH, redovi vožnje na kantonalnim autobusnim linijama registruju se nakon obavljenog javnog usklađivanja sa rokom važenja od najmanje tri godine i važe do utvrđivanja novog registra redova vožnje.

Usklađeni redova vožnje na kantonalnim autobuskim linijama imali su rok važenja do 01.10.2015. godine.

U skladu sa članom 25. stav 1. Zakona o cestovnom prijevozu Federacije Bosne i Hercegovine i članom 200. Zakona o upravnom postupku, Ministarstvo je donijelo Rješenje o produženju važnosti registrovanih kantonalnih redova vožnje. Rješenjem je svim prijevoznicima koji imaju registrovane redove vožnje na kantonalnim autobuskim linijama, a čija je važnost isticala 01.10.2015. godine, produžen rok važnosti do 30.09.2019. godine.

Ministarstvo planira započeti postupak usklađivanja redova vožnje na kantonalnim autobuskim linijama, te je neophodno produžiti rok važnosti postojećih redova vožnje do okončanja postupka usklađivanja. Planirano je bilo da se postupak usklađivanja završi ranije, ali zbog izmjene daljinara prolongiran je rok do okončanja svih neophodnih pripremnih radnji..

Pouka o pravnom lijeku: Protiv ovog Rješenja može se izjaviti Žalba Federalnom ministarstvu prometa i komunikacija Mostar u roku od 15 dana od dana prijema Rješenja. Žalba se predaje pismeno putem ovog organa sa uplatom administrativne takse u iznosu od 15,00 KM u obliku biljega (markice) u skladu sa Zakonom o federalnim upravnim pritojbama i tarifi federalnih upravnih pritojbi ("Službene novine FBiH", br. 6/98, 8/00, 45/10 i 43/13).

Dostavljeno:

- 1x web stranica Vlade TK,
- 1x Kantonalna uprava za inspeksijske poslove,
- 1x Kantonalna privredna komora TK - Sekcija za unutrašnji promet putnika,
- 1x Registar redova vožnje,
- 1x a/a



MINISTAR

Edin Bušević